



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Argvmenta Hvivs Capitis.

[urn:nbn:de:hbz:466:1-45790](http://urn.nbn.de/hbz:466:1-45790)

enim sanctæ Marthæ fideliter implere negotium satagit, beatissimæ Mariae dignus habebitur aliquando dulcedine foueri, & consolationis diuinæ & allocutionis silentio immorari. Quo ille rectè censetur aptus, cui iam fraternæ necessitati seruire placet, & Christi tantum dilectio super omnem temporalem curam amabilis, in intentione præcipua est. Non sicut is, cuius foris videtur ministratio; sed ab intus non ardet vera dilectio, & intentionis non lucet pura simplicitas, & simplex puritas. Sua enim commoditate perdit lucrum charitatis, & libitu proprio destituitur à Christi beneplacito. Nam omne quod agitur, si in veritate & puritate non manferit, in interitum vadit & euaneat. Tetigi paululum boni dispensatoris necessarium institutum, qualiter sibiipsi debeat etiam intentus & præsens esse, nec rebus exterioribus varijsque negotijs totaliter inhiare. Quinimo, eligit secundum affectionem suam cordiale, nullis implicari curis, sed insisteret (quantum opportunè concessum fuerit) studijs theoreticis. Veruntamen quisquis per diuinam voluntatem tanquam seruus à Domino fuerit aduocatus, ad faciendum opera misericordiæ, impleat mandatum obedientiæ: & ne declinet ad propriam nimis quietem, sed magis offerat se per bonam & promptam voluntatem, ad seruendum Deo viuenti in secula seculorum. Amen.

CAP V T SECUNDUM.

De ministerio Marthæ, et otio Mariæ, et de concordi conuenientia ad inuicem.

ARGUMENTA HVIVS CAPITIS.

DE comparatione Marthæ ad Mariam, id est, actiua ad contemplatiuam, & quod utraq; laudabilis, nec altera ab altera separanda. §. I.

De opere Marthæ.

II.

De opere Mariæ.

III.

De admonitione Marthæ.

IV.

De consolatione Marthæ.

V.

De admonitione Mariæ.

VI.

De increpatione tepida Mariæ.

VII.

§. I. *De comparatione Marthæ ad Mariam, id est, actiua ad contemplatiuam, & quod utraq; laudabilis, nec altera ab altera separanda.*

Quamuis eligibilior pars Mariæ sit & suauior, tamen beatæ Marthæ sororis eiusdem pars laboriosa laudabilis est, & Deo accepta; sicut per seipsum Dominus ait in Euangeliō: *Si quis mihi Iun. 12. ministrauerit, honorificabit eū Pater meus, qui est in celis.* Ministrare specia-

Externis
rebus im-
peditus
subinde
redcat ad
fese.